



**Sacra Veterum Temporum Uti Et Evangelica, Ac
Apostolica Historia**

Steinhart, Franz

Ingolstadii, 1734

VD18 90104692

Cap. I. Quatuor à suscepto Baptismate Paschata transegisse Servatorem
usque ad diem mortis suæ fit palàm.

[urn:nbn:de:hbz:466:1-62332](https://nbn-resolving.de/urn:nbn:de:hbz:466:1-62332)

videntur deficere, saltē illorum nullus suppetebat, qui appareret infallibilis Āræ istus indubie constituendæ tessera, vel tantum moralē evidentiam pareret, cui intellectus hominis cordati & possit & debeat acquiescere, ut binas habemus certissimas digerendorum temporum notas pro anno servatoris morti tribuendo. Argumenta attamen aliqua præsenti sectione dabo, ex quibus independenter etiam ab Epochā passionis Dominicæ sufficienter inferri queat Āra nativitatis. Ad elucidationem quatuor capita præmitto, quæstionem ipsam quintum discutiet.

CAPUT I.

Ostenditur Christum à suscepto Baptismo quatuor supervixisse Paschata.

DE tribus nullus orthodoxus facile dubitabit, quippe dilucidè à Joanne Evangelista assertis. Primum notatur cap. II. 23, ubi de JESU asseritur: *Cum autem esset Ierosolymis in pascha, in die festo.* Ubi in rem nostram potest notari, Judæorum pascha antonomastice nuncupari *diem festum*. Ex quo infertur, diem festum sive addito à S. Joanne assertum loco paschatis habendum. Secundum iterum clarè ab eodem Evangelista exprimitur c. VI. 5, ubi inquit: *erat autem proximum pascha dies festus Iudeorum.* En confirmationem illationis nuperrime factæ! Pascha tertium omnes quatuor Evangelii Hagiographi referunt, quo videlicet Dominus iuxta legis præscriptum agnum pridie comedit, quām ipse in *ara crucis immolaretur.* contendo addendum etiam Pascha quartum à Domino transactum post sacratas attacku suo Jordanis Undas. Harduin quidem id omissum censet à S. Joanne, negatque illis verbis exprimi c. VII. 1. positis: *Post hac erat festus dies Iudeorum.* A reliquis tamen Evangelistis relatum dicit, eo quod dilectus Christi discipulus nil eorum, ut ipse autumat, attigerit, quæ Magistri prædicationem antecepsere. Sed communis opinio authorum quatuor à Baptismo paschata numerantium tenet, per verba Joannis *erat festus dies Iudeorum* pascha denotari. Idque sic ostendo 1. quia Evangelist

gelisti ille per diem festum Judæorum, nil aliud intelligit, quam solennitatem paschalem, ut ex duobus paschatis ante adductis liqueret. 2. Quando affert festum Judæorum à paschate diversum etiam quale illud sit, explicitam mentionem ingerit; ut cum c. VII 2. dicitur: *erat autem in proximo dies festus Iudaorum, scenopégia.* 3. E regione textus: *erat festus dies Iudaorum.* c. V. 1 citantur in margine leviticus, & Deuteronomium iis locis, ubi manifestè agitur de paschate Judæorum: ergo & textus S. Joannis de eodem festo est intelligendus, alias ea citatio foret, ut dici solet, aries præter partem. 4. Si Christus à Baptismali latice in vivis non transegit quaterna paschata, neutquam verificatur vaticinium Danieli factum & c. 8. præcedentis sct. relatuum, quod scilicet multis sit confirmandum pæcum unâ hebdomada, septuagesima nimirum, & Christus Dux occidendum in dimidio illius, ac defectura hostia. Vel enim eo, quo baptizatus Servator anno, iste baptismus præcessit, vel est secundus paschatis tempus? si prius dicatur, ipse annus Baptismatis involvisset pascha primum, alter insequens secundum, annus denique tertius mense tertio vel quarto pascha tertium, quo sententia tria duntaxat paschata signans Domino post Jordanis aquas in vivis degente, illum mortuum asserere debet: ergo non in dimidio hebdomadæ triennium ultra semestre complexo, occisus esset Christus post Baptisma sed ultra unum annum, ut patet, antea. Si vero dicatur postrius, videlicet Baptismum à Christo solum post pascha receptum, eidem anno tribui summum poterunt menses novem, binis sequentiibus, totidem paschatis distinguendis, biennium, & anno quo crucifixus Dominus, trimestre circiter, sive conficiemus annos universim tres hebdomadæ dimidium neutquam æquantes. In hac propter opinione admittente tria duntaxat paschata à Domino Baptizato inter vivos peracta, nullatenus impletur dictum vaticinum.


Vice versa admissis paschatis quatuor res erit salva. Nil enim cogit asserere Servatorem Jordanis flumine tintum ante pascha. Pono ergo receptum à Christo Baptismum anno Æ. V. vigesimo quinto seu in mea mundanæ Epochæ Chronotaxi Æ. M. 4025. diu post anni istius pascha scilicet die septembri XVI, quæ erat Dominicæ, & ideo hoc pono, ut cum Ecclesia sententiam canente: *Tribus miraculis ornatum diem sanctum (Dominicum scilicet) colimus. Hodie stella magos duxit ad praesepium: hodie vinum ex aqua factum est ad nuptias*

muptias: hodie in Jordane à Joanne Christus Baptizari voluit, ut salvaret nos. Item cum Hipponensi, diem Dominicam loco alias citato etiam ideo magnis laudibus extollente, quod in eo baptismum sumere dignatus sit Dominus. Sic obtineo tres vitæ Christi Ducis annos integros nempe AE. V. 26. 27. 28. totidem paschatis discernendos, & præterea annum dimidium à XVI. die septembbris ad diem Martii XVII. qua Geminis Coss. in quarto paschate Dominum crucis suffixum ostendi anno nempe AE. V. 29. AE. M. 4029. seu dies universim 1278, quot à die septembbris ad diem Martii intercessere, seu hebdomadæ septuagesimæ Danielicæ præcisè dimidium, ut patet ritè computos subducenti. Atque ob hanc ipsam rationem medietatis hujus hebdomadariae recedendum duxi ab ea sententia, que die VI. Januarii anni vulg. AE. vigesimi sexti Christum baptizatum arbitratur. Inde enim usque ad occasionem Ducis nostri non intercederet triennium cum semisse, sed solum cum trimestri circiter, quantum dies sexta Januarii anni AE. V. 26. à decima octava Martii anni AE. V. 29. recedit.

Postet ulterius ex Baronio ad annum mortis Dominicæ sic ostendi diem istum festum pascha fuisse. Antequam de die illo c. V. v. 1. facta sit mentio, Dominus discipulos suos allocutus c IV. 35. ita inquiebat: *nónne vos dicítis, quod adhuc quatuor menses sunt, & messis venit.* Ergo illud tempus, quo ita Christus est Apostolis locutus, quadrimestri distabat à messie seu fine Martij: nam in palestina tunc fruges meti solebant, adeoque initium Decembris idem tempus respiciebat. Vel ergo dies ille festus Judæorum, de quo c. V. 1. anni ætate excedebat festum paschale, vel huic congruebat, vel denique pascha prævertebat? si dicatur primum aut secundum, patet intentum, quod nempe vel supposuerit festum paschale ab eo diversum, de quo subin agitur c. VI. 5. à nemine in dubium revocabili, utpote, quod uno anno præcessit Christi pascha ultimum, ejusque morte sacratum, vel quod fuerit ipsum pascha eadem ratione distinctum à paschate cap. VI. Si vero dicatur, quod ille dies festus Judæorum præcesserit solennitatem paschalem, tunc incidere id festum debuisset uno ex tribus postremis anni Judæorum sacri mensibus, scilicet *Adar, Sebath, Thebet* respondentibus Februario, Januario, & Decembri nostro. Atqui illis mensibus nullum in calendario hebraico occurrit festum, saltem à Deo institutum, vel tale quod sim-

simpliciter festi nomine appellari queat. Unum mense *Adar* celebratur festum sortium, seu *Phurim*, quod tamen solum est institutionis humanæ, & non videtur probabile *festi* nomine sine addito fuisse ab Evangelista signandum, cum aliorum festorum etiam Divina institutione apud populum Judaicum inductorum ab eo fieri soleat specifica nuncupatio, ubi de iis sermo est, ut supra notatum.

Superaddunt pauci Paschatis quatuor transactis à Christo posse suscepimus baptisma etiam quintum, sed citra fundamentum, ut videatur satis firmum: non enim istius quoque adstruendi versus aut textus S. Scripturæ afferri potest, qui id evincat. Nam quod cap. VII. 37. Joan. dicitur: *in novissimo autem die magno festivitatis fibabat Iesus & clamabat*, intelligendum non esse de festo Paschatis, nota marginalis clare indicat Levitici cap. XXIII. 27. citans, ubi festum Expiationum refertur mensis Judaici septimi decimo die celebrandum. Ceterum lectione illius cap. VII. Joan. liquebit, *festivitatis diem magnum* fuisse Scenopegiæ seu tabernaculorum festum ejusdem mensis septimi die quinto decimo & septem sequentibus diebus magnas inter solennitates agendum, ut constat ex capite Levitici. In hac porro s. Paschatum sententia, quod de tribus duntaxat admissis nuper diximus, non fuisset impleta prophetia de Christo Domino in dimidio hebdomadis occidendo. Claret hoc, si recepisse baptismales aquas Servator dicatur post celebritatem paschalem: quatuor siquidem Paschata totidem annos Baptismum consecutos depositent, Pascha vero quintum trimestre circiter, adeoque minimum aliquot menses ultra quadriennium, quod hebdomadæ dimidium annua ferè periodo excedit. Si verò asteratur collatum Christo Baptismum ante Pascha, seu ante elapsum anni spatii quadrimestre, addito triennio termis debito paschatis primi & quinti paschæ mensibus, quadriennium proxime conhabitur semestri ferè exsuperans hebdomadis partem medium.



P

CA-